



UNIVERSITÄTS-
BIBLIOTHEK
PADERBORN

Universitätsbibliothek Paderborn

Militia Sacra || Dvcvm Et Principvm || Brabantiaë,||

Molanus, Johannes

Antverpiae, [1592]

De sacris bellis gestis sub Clothario secundo Rege. Cap. V.

urn:nbn:de:hbz:466:1-38114

annos XXIII. Chilpericus cum fratribus, filij Clotharij Regis. E quibus Chilpericus Suesfionis sedem regni habuit, Cherebertus Parhisiis, Guntramnus Aurelianis, & Sigebertus Metis. Quibus regnantibus, ea quæ subsequuntur contra infideles gesta sunt bella.

Anno 10. LXVII. ait Sigebertus historicus, Sigebertus Rex Hunnos, partes Francorum depopulantes, in Thuringia bello deuincit.

Anno 10. LXXXI. Duces Longobardorum Gallias ingrediuntur, & vario bellandi genere, nunc Franci, nunc Longobardi, inter se colliduntur.

Anno 10. LXXXII. Saxones in Italia à Longobardis recedentes, & terras suas in Germania positas repetere nitentes, ab exercitu Sigeberti ad viginti eorum milia cæsis, sero à bellis destiterunt.

De sacris bellis gestis sub CLOTHARIO secundo Rege.

C A P. V.

Hic Brabantis Ducē dedit Pipinum.

POST Chilpericum, quem Fredegundis vxor, & Landricus adulter è venatione redeuntem necari curarunt, quadrimestris filius successit per annos quadraginta quatuor Clotharius secundus.

Anno 601. Qui cùm & ætatis & regni sui annum ageret quartumdecimum, acriter cum Hunnis pugnatum est in Thuringia.

Anno 630. Memorabile quoque est bellum eius Saxoni-

xonicum. Commisso enim prælio, cum Dagobertus filius in capite faucibus multum vergeretur, ei pater Clotharius Rex auxilio accurrens, interfecto Berthoaldo Saxonum Duce, victor euasit, omnemque Saxoniam peruagatus, nullum omnino, qui gladij sui mensuram longitudine excederet, viuere permisit. Vtriusque post alios testis est Sigebertus, Bernardi ætate diligens chronographus.

De sacra militia B. PIPINI primi Ducis Austrasie.

C A P. V I.

REGNANTE Clothario clarere incepit Primus Brabantie Dux Pipinus de Landis.
 B. Pipinus, quem primum vocant Brabantie Ducem. Quare deinceps, sepositis Gallorum Regibus, de Ducum sacra militia agendum erit.

Pipinus, ait Sigebertus, filius Carolomanni anno 100. xxv. maior domus Regis Clotharij principabatur. Pipino autem in administratione Reip. S. Arnulphus cooperabatur, filius Arnoldi, filij Amberti, ex Blitilde filia primi Clotharij Regis. Et anno 100. xxviii. Clotharius Rex filium suum Dagobertum in regnum adscitum, Pipino & Arnulpho committit, Austrasiis præfuturum. Anno quoque 100. xxxix. Dagobertus Rex Sigebertum filium suum Austrasiis Regem mittit, sub tutela Pipini, & Cuniberti Episcopi.

Sed ad sacra eius bella accedamus. In hi-